

# Kontuola

ANTZUOLA / Egubakoitza / 2003ko otsailaren 28a / 148. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

## Mozorrotu eta kalera irtengo dira herritarrak domekan

AINZANE IRIZAR

Urtero moduan, domekan egingo dituzte Antzuolan Inauterietako ospakizunik gehienak. Dantzak eta mozorroak izango dira egun horretako protagonista. Baina ekitaldi berri bat ere egongo da aurten: Gazte Asanbladak afaria antolatu du zapatuan.

Bi dantzari talde ibiliko dira kale-rik kale, goizeko hamarretan hasita. Alde batetik, Sorgin dantzako taldea ibiliko da. Bestetik, inude eta artzainak. Herriko Plazatik abiatuko dira horiek guztiak, batzuk kalean gora eta beste batzuk, berriz, kalean behera.

Ohiturari utsiz, hainbat pertsonaia ibiliko dira dantzariekin batera: hartza, tximinoa, alkatea, alkatesa, medikuak, erizainak eta fraidea, besteak beste.

12:15ean plazan elkartuko dira berriro dantzari guztiak, eta denek batera egingo dute dantza saioa: Luzaideko kontradantza, txantxoak eta makila txikiak dantzatuko dituzte, besteak beste.

### INAUTERIETAKO AFARIA

Esan bezala, ohiko ekitaldiez aparte, Antzuolako Gazte Asanbladako kideek ekitaldi berria antolatu dute aurtengo Inauterietan: hain zuzen, zapatu gauean afaria egingo dute, seguruena, parrokiaren lokalean, odol ateratzeak egiten dituzten egoitzan.

Mozorro afaria izanik, jakina, mozorrotuta joatea eskatzen dute antolatzaileek. Joan nahi dutenek



Domeka eguerdian, dantza saioa eskainiko dute Herriko Plazan.

Larrea eta Mox tabernetan dituzte txartelak salgai, zazpi euroren truke.

**GAUR, EGUBAKOITZA, UMEEN TXANDA**  
Herri Ikastetxean, berriz, gaur, egubakoitza, ospatu dituzte Inauteriak. Datorren aste osoan jai dutenez, gaur mozorrotuta

joan dira herriko neska-mutikoak eskolara.

16:00etan, berriz, gurasoek prestatutako txokolate eta torrada jana izango dute Zurrategin; eta horren ondoren, berriz, Zirkoko Ttipiaren emanaldia izango dute, Zurrategi plazan bertan hori ere, 17:00ak aldera.

### LABUR

#### Gurasoendako hitzaldia izango da eguen arratsaldean Herri Ikastetxean

Herri Ikastetxeak ipuinen gaineko hitzaldia antolatu du, *Irakurtzen ikasi baino lehen irakurtzen* izenburupean. Datorren asteko egunean, martxoaren 6an, izango da lehen saioa, eta Juan Carlos Alonsok eskainiko du.

Martxoaren 13an, berriz, gai horren gaineko bigarren hitzaldia egingo du Juan Carlos Alonsok berak. Hitzaldi biak 18:30ean izango dira, Herri Ikastetxean bertan.

#### KZGunea ez dute zabalduko martxo bukaera edo apirilera arte

Urtarrilean zabaltzekoak ziren, baina hainbat arazo izan dituztela-eta, ez zuten zabaltzerik izan. Batetik, Telefonikak linea sartu behar du Olaneraino. Martxo hasierarako lan hori amaituta izatea espero dute. Bestetik, Euskaltelek ADSL linea jarri behar du. Hortaz, martxo amaieran edo apirilean zabalduko dute KZGunea.

#### Baserritarren jantzien erakusketa zabalik egongo da oraingo asteburuan ere

Aurreko asteburuan zabaldu zuten baserritarren jantzien erakusketa zabalik egongo da oraingo asteburuan ere. Inigo Ramirezen *Antzuolako ohitura zaharrak* liburuaren aurkezpenarekin lotuta jarri dute ikusgai erakusketa hori. Olaner etxean dago erakusketa, ohiko ordutegian.

#### Oraingo domekan ez da zinema emanaldirik egongo, Inauteriak direla eta

Inauteriak direla eta, ez dugu zinema emanaldirik izango oraingo domekan. Datorren astean, baina, izango dugu film bat ikus- teko aukera: *Pastel magikoa* euskarazko filma eskainiko dute hilaren 9an, 16:30ean, Olaner etxeko aretoan.

#### Gidarik jaso ez dutenek 'Berrigara'-ko egoitzara, Irizar jauregira, jo dezakete

Oraingo astean bukatu dute Antzuolako, Bergarako eta Elgetako telefono eta komertzioen gida banatzen. Hala ere, oraindik etxean gidarik jaso ez baduzue, *Berrigara*-ko egoitzara jo dezakezue haren bila. Bergarako Irizar jauregian dago *Berrigara*-ko egoitza.

# EGAÑA

Era guztietako arotz lanak

Tarima eta parketa jartzea  
Zoruen kutxilatu eta barnizatuak

Kalegoi 21, ANTZUOLA Tel.: 943 76 64 23

MUJIKA  
HARATEGIA



Berezitasunak:  
Etxean hazitako  
zekorrek eta oilaskoak

Kalebarren, 1.  
ANTZUOLA  
Tf. 943 76 64 34

AITZ-GARBI

taberna  
jatetxea



Pintxoak eta  
kazuelatxoak.  
Bazkariak eta afariak

Kalebarren 15. Tf. 943 78 70 51  
ANTZUOLA

## IRAKURLIAREN TXOKUA

### IRITSIKO AL DA GOITB?

Urte batzuk dira, ibarreko euskara elkarteek Goiena egitasmoa abian jarri eta udalek diruz laguntzeko erabakia hartu zutela. 2000. urtea baino lehen hasi ziren lanean elkarteak. Ilusio eta gogo handiz ekin zioten, baina bidean aurkituko zituzten oztopoak uste baino handiagoak izango ziren. AHTren martxa eman nahi izan zitzaion egitasmoari, baina nekez lortu zen hasieran, behintzat, Mekolaldetik Zumarragara igotzen zenaren moteltasuna gainditzea. Deskargako maldak baino mesfidantza eta erresistentzia gogorrak gainditu behar izan ziren.

Ez zen hau izan Antzuolako udal eta herritarren kasua, hasieratik proiektuarekin bat egin eta diruz lagunduz bultzada garrantzitsua eman baitzioten.

Askotan, ordea, gogoak ez da nahikoa izaten helburua lortzeko. Arazo administratiboak tren zaharraren txirringetara lotutako harlauza bihurtu ziren bidea zailduz eta abiadura oraindik gehiago motelduz.

Une honetan, GOITB ibarreko herri guztietan ikusten da (Oñatira iristea aste honetako kontua da), Antzuolan izan ezik.

Goienatik garbi utzi nahi dugu ez dela Udalaren borondate faltarik ezta Goienaren ere.

Legezko arazoentzat irtenbideak aztertzen ari gara, lehenbailehen trena martxan jarri eta GOITBko uhinak Antzuolara heda daitezten.

Bukatzeko, Usoa Agirrerren artikuluko puntu batek argibide bat behar duelakoan, Goienak ematen dituen zerbitzuak kobratzen ditu soilik. Antzuolako Udalarari ez diogu kobratzen telebista zerbitzua.

INAZIO ARREGI  
Goienako zuzend. nagusia

## POLITIKA

# Bi proiektu politiko aurkeztu dituzte herrian azkeneko astean

AINZANE IRIZAR

**Zapatuan, herri plataforma bat aurkeztu zuten, "Gertu gae" izenarekin. Plataformaren bultzatzaileek adierazi zigutenez, ezker abertzalearen ideiak defendatzeko helburua dute. Atzo, berriz, eguena, Aralar alderdiak bere proiektua aurkeztu zuen.**

Zapatu eguerdian jende mordoak elkartu zen plazan "Gertu gae" izena jarri dioten herri plataformaren aurkezpenean. Ehunetik gora lagun batu ziren herriko talde berri horren nondik norakoa jakiteko.

Herriko Plazan egindako aurkezpenaren aurretik kalejira egin zuten plataformako kideek eta hainbat herritarrek, trikitilariak lagunduta.

13:00etan hasi zen plazan aurkezpen ekitaldia. Herriko bi dantzarik aureskua egin zioten lkurinari; horren ondoren, plataformako bi kidek taldearen proiektu politikoa azaltzen duen idatzia irakurri zuten. Batutako herritar guztiek argazki saioa



Ehunetik gora lagun batu ziren "Gertu gae" plataformaren aurkezpenean.

izan zuten ondoren, eta gero, luncha egon zen.

**ARALAR ALDERDIAREN AURKEZPENA**  
"Gertu gae" plataformarena, baina, ez da izan azkeneko aste honetako aurkezpen bakarra.

Eguen iluntzean, Aralar alderdi politikoak bere proiektuaren aurkezpena egin zuen udaletxeko osoko bilkuren aretoan. Juan Martin Elexpuruk eta Mikel Basabek jardun zuten alderdiaren proiektua azaltzen.



## Herriko ohiturak liburu baten

Mezaren ondoren jarri zuten aurkezpenerako hitzordua. Eta halaxe behar zuen, gainera, aurkeztu beharrekoa ohitura zaharren gaineko liburua izanda. Hainbat azalpen eman zituen Iñigo Ramirez de Okariz egileak aurkezpenean. Bukaeran, berriz, bereziki bi pertsonari eman zizkien eskerrak, euren laguntzagatik: Sarasketako Juan Praixkori eta señorita Mariri. Bakoitzari liburu bana eman zien Iñigok. Azkenik, liburua Gema arrebari eskaini zion. /A.I.

## LABUR

### Alebin mailako herriko gimnastak irabazle Bergaran

Otsailaren 15ean, Eskola Arteko Jokoen lehendabiziko fasea jokatu zuten Bergaran. Eta Herri Ikastetxeko alebin eta benjamin mailako nesken taldeek hartu zuten parte. Arrasate, Bergara, Azkoitia, Tolosa, Zarautz eta Antzuolako hainbat ikastetxetako gimnastek hartu zuten parte. Guztira, alebinak eta benjaminak kontuan hartuta, 200 bat partaide lehiatu ziren.

Alebin mailan, Debagoieneko eta Debabarreneko gimnastak lehiatu ziren. Antzuolarrak izan ziren irabazleak, Arrasateko San Viator eta Laskorain ikastetxetako taldeen aurretik.

Hona hemen alebin maila osatzen duten nesken izenak: Ainhoa Martínez, Ainara Amorós, Jurdana Pildain eta Usoa eta Lide Toledo ahizpak.

Lehendabiziko fasea irabazteak dakarren pozarekin eta horrek ematen duen animuarekin, hurrengo txapelketarako prestatzen ari dira orain gimnasta antzuolarrak. Martxoaren 23an izango da txapelketa hori, Bergaran.

## KIROLA

### PARTIDUAK

#### FUTBOLA

Inauteriak direla eta, gazteek ez dute partidurik izango.

#### PILOTA

Martxoak 1  
Gipuzkoako Kluben Arteko Txap.  
17:00: Olalde-Behar Zana (Infantilak)

### EMAITZAK

#### FUTBOLA

Gazteak B 1 Antzuola 4 (2. erreg.)  
Internacional 4 Antzuola 0 (Gazt.)

#### PILOTA

Udaberri Saria  
Olalde-Landare (nag. paletaz) ... 35-24

**LEKY-BERRI  
MERENDEROA**

Janariak  
eta  
edariak

Tf. 943 76 60 94  
ANTZUOLA

**LARREA**

**TABERNA**

Kalebarren 17  
ANTZUOLA



*Juan Cruz*

### ARGAZKIAK

Ezkontza erreportaiak  
Jaunartze erreportaiak  
Momentuko argazkiak

### BITXITEGIA

Marrokineria  
Erlojuak, Bitxiak  
Opari gaiak

Herriko plaza 4. Tel. 943 78 70 66. ANTZUOLA